

**KUMPUAN**  
RAM LEH HNAM  
HUMHALH

**YMA**

**AW**



CHANMARI WEST BRANCH YMA CHANCHINBU KARTIN CHHUAK. VOL. XXIV. ISSUE NO. 25 23<sup>rd</sup> June 2013

## Mizo Hnam Lam Hmangin Intihsiaik Dawn

*Chanmari West, 16<sup>th</sup> June, 2013 : Ni 4.6.2013 zana Pasaltha Neuva In a Branch YMA Executive Meeting chuan September Ni 5&6-a 11<sup>th</sup> Chief Minister's Running Trophy in YMA Cultural Dance Competition-2013- Central YMA-in a buatsaih turah Branch hming tel nise a ti a, hmalak dan turte lo ngaihtuah hmasa turin Branch OB leh ZOFA Cultural Club OB-te ruat an ni.*

Branch Executive Meeting- in a beisei angin Ni 19.6.2013 (Nilai) zan khan Pu C Lalzarliana, Branch YMA President kaihhruiuin Branch YMA OB leh ZOFA Cultural Club OB-te chuan Joint meeting an nei a. 11<sup>th</sup> Chief Minister's Running Trophy in YMA Cultural Dance Competition-2013-ah hian Branch YMA hminga tel nise tiin hmala turin a hnuai ami ang hian Organising Committee an din nghal.

Chairman - Pu RL Thahnuna  
Secretary - Tv Zairemmawia

Member-te:

- 1) Pu C Lalzarliana
- 2) Pu K Darthantluanga
- 3) Pu R Lalhmachhuana
- 4) Pu Lalrinliana
- 5) Pu Zonunsanga
- 6) Pu VL Thakima
- 7) Pu Lalbiakhlu

- 8) Pu Zohmingliana (Atea)
- 9) Tv R Lalrinngheta
- 10) NI Vanlalmuanpuui
- 11) NI Ellen Lalrintluangi
- 12) NI Zosangzuali

Hnam Lam intihsiaikna lo awm turah hian Mizo Hnam Lam chi thum hmanga intihsiaik tur a ni a, chungte chu:

- 1) Cheraw (Kantluang)
- 2) Chai (Lalvunga zai leh Lera zai)
- 3) Khuallam

Intihsiaiknaa tel zawng zawng tan lawmman (Participation Prize) siam a ni dawn a. Chai leh Khuallam bikah hian member 20 aia tlem lo tel ngei tur a ni bawk.

He intihsiaikna lo awm turah hian Pakhatna ni thei ngei tura hma la turin Joint meeting chuan Organising Committee chu a beisei tlat a ni.

### Silver Jubilee thawhlawm July khawn dawn

Kum 2015 Febraury ni 2 hian Chanmari West Branch YMA chuan kum 25-na Silver Jubilee a thleng dawn ta a, kumin kumtira Branch Executive Meeting chuan ropui takin a lawmna hi kalpui nise tiin Committee peng hrang hrangte pawh din chhoh mek a ni. Silver Jubilee atan hian cheng nuai 13 vel mamawh tura chhut a ni a, Branch YMA in tunah hian pawisa neihsa a neih loh avangin kuminah YMA member pakhatah ₹ 20/- zel khawn nise a lo tih angin khawn mek a ni.

Hemi bakah hian chhungtinah Jubilee thawhlawm khawn phalna Local Council ten min pek angin July thla atangin khawn tan a lo ni leh dawn a, chhungtinte mahni thawhlawm thawh zat tura Branch YMA in a beisei chu tlwmngaih chhuaha lo pe tura ngen kan ni. Chhugtinte hi thawh lawm thawh dan tur a in ang vek dawn lova ₹ 1000, ₹ 500, ₹ 200 leh ₹ 100 thawh turte a siam rem a ni. Thawhlawm hi July thla atanga November thla chhunga mahni thawh tur zat pe tla tura beisei kan ni. Branch hruaitute leh Section hruaituten July thlatir hian an rawn khawn tan dawna, mahni thawh tur pe tla te hnenah hian Receipt an pe nghal zel dawn a ni.

### Branch News

Ni 14.6.2013 (Zirtawp) zana YMA Day Function YMA Zawlbuha hmanah YMA member 350 chuang lai mai an tel thei chu Branch YMA-in lawmthu a sawi a, chutihrualin Zawlbuha leng lo, haw leh engemawzat an awm erawh pawi a ti hle.

Chanmari West Branch MHIP ten YMA Day lawmpui nana ₹ 1000/- Branch YMA an rawn pe chu Branch YMA-in lawmthu a sawi. YMA Day khan Edenthal Branch te chuan an Branch Silver Jubilee ropui takin an lawm a, kan Branch atangin Vice President Pu K Darthantluanga, Treasurer Pu R Lalhmachhuana leh Fin Secretary Pu Lalrinliana ten an va hmanpui a, lawmpuina Citation Branch hmingin an hlan bawk.

YMA Day zing khan Section hrang hrangah Faina Hnatlang neih a ni a, YMA Park leh Zuangtuikhur chhakah te thing engemawzat phun a ni bawk.

Ni 25.6.2013 (Thawhleh) zan hian Branch Executive Meeting koh tum a ni.

August ni 13-15 chhunga Central YMA in Branch Zaipawl intihsiaik a buatsaih turah Branch Zaipawl te inbuatsaih chhoh mek zel a ni, hla zir nana in phal taka hmantirtu leh thingpui leh a hmeh siamsak thiintu Pi Lalrintluangi (RTS) CH-Sect. leh Pi Lalrinsangi CH-Sect. te chungah Branch YMA in lawmthu a sawi.

Chief Minister's Running Trophy hnam lam intihsiaik September ni 5 & 6 - a Sipai Lammuala neih tur atana hmalatu tur Organizing Committee din fel a ni.



### TUNKAR CHANGVAWN

Kei atan erawh zawng Pathian jnaih hi a tha a ni; Lalpa Pathian chu ka inhumhimnaah ka hmang a, A hnathawh zawng zawng thu chu ka hrilh theih nan Sam 73:28

**Editorial Board**

<b>Editor:</b>	R Lalrinngheta	9862358337
<b>Joint Editor :</b>	Lalchhandama	9862358347
	J Lalnangliana	9862399658
<b>News Editor :</b>	Thangkhuma	9862303135
	Lalchhuanmawia	9862580558
	K Lalremtluanga	9862119608
<b>Cir. Manager :</b>	Jacob Lalrinsanga	9612319779
<b>Production Manager :</b>	RL Thanhnuna	9436152760

**Branch Office Bearer**

<b>President</b>	C Lalzarliana	9436142049
<b>Vice President</b>	K Darthantluanga	9436196071
<b>Secretary</b>	Zairemmawia	9862385654
<b>Asst. Secretary</b>	RL Thanhnuna	9436152760
<b>Treasurer</b>	R. Lalhmachhuana	9436151817
<b>Fin.Secretary</b>	Lalrinliana	9862581814
<b>Adviser-te :</b>	Pu F Zosanga	9436142106
	Pu A Biaklawma	9436363169
	Pu Lalrengpuia Sailo	9862075614

**Editorial :**

Tun tum chu kan thupui "Hnam Lam" intihsiaikna lam hawi ve thung te'ng.

Kum engemawzat kal ta atang khan Mizo Hnam Lam hi kan veng tihmingthatu leh Mizoram puma kan veng hming pho langtu a lo ni tawh thin a, Chanmari West veng mi, Thalai tawh phawt chu thiam tura ngaih kan ni ve chawk. Hei hi a dikna chen pawh a awm thei awm e.

Mahse tun hnai intihsiaiknaah kan thiam thil kan theihngihlh ta deuh nge, lawmman ropui tak kan dawng pha ta meuh lo. Hei hi tu mawh nge ni ta ang?

A hmasa berah chuan YMA member, he intihsiaiknaa telte hi kan mawhpuh lo thei lo vang. An thiam tawk lo a ni ti tawp teh ang. Kan lo haw deuh a ni paw'n pawi lo mai rawh se.

Mawphphurtu dang lehte chu; he hnam lama tel ve ngai miah lo, tui ve miah lo, buaipui miah lo YMA member te hi an ni ve tlat. Kan vengina kan lo tuipui leh hmingthanpui ve ber mai, Mizo Hnam Lam ngaisang lo mai ni lova, hnualsuat hi kan veng thalai zingah hian an thahnem tlat. Hei hian hmasawn lohna a hring chhuak bawk.

A buaipuitute inpekna ngaihtuah pha miah lova lo sawisel ve rengtute hian kan sim a tul khawp mai. Kan tuipui ve chiah lo a nih pawn "Dodal" kher a tul lo. Veng tana pen chhuak thinte inpekna hi ngaishan nachang kan hriat a ngai. Chutih hunah chuan kan veng hian hma a sawn leh zual ngei ang.

**Article:****CHANCHINBUAH**

- Masangtea

Kan veng YMA chanchinbu YMA AW-enkawltute zingah hian Kum 2006 kum kawp lam atang khan a ka tel ve a, Section tinten an aiawh tur Circulation Manager an ruat thin lai kha a ni nghe nghe. Kum 2007 a lo inherchhuak a, Section tinten an section atanga Circulation Manager an ruat thin chu YMA AW Agent tia thlak a ni ta a. Kei erawh chu YMA AW Editorial Board zingah Circulation Manager hna chelh turin ruat ka ni leh a. Tin, Branch O.B incharge atan Pu K. Darthantluanga, Secretary chu ruat a ni bawk. Heta tang hian YMA AW Agent hi Section ten an ruat chho ta a ni. Hemi kum hian YMA AW enkawltute thawhhona a thain a nuam thei hle. Editor Pu Chhuana'n a zir bawk a, RNI nei tura buaipui a ni bawk. Milem danglam tak takte tarlan niin, hmuh leh a chakawm thin hle.

Kum 2008-khan YMA AW enkawltute zingah ka tel leh a, Circulation Manager hna bawk ka kutah a tla leh a. Production Manager chu Pu RL Thanhnuna'n a chelh ve thung a, hemi kum atang hian Production Manager chu Branch OB ten an chelh chho ta zel a ni. Hemi kum vek hian Literature Sub-Committee Member-ah ruat ka ni bawk. Literature Sub-Committee te hian YMA Zaipawl kan enkawl a, Editor Pathara Inah YMA AW kan chhu thin a, titi thiam Pi Sangpuii, Pathara sakawr titi a ngaihthlaknawm thei khawp mai. Khatih hun laia Inrinni chhuna Pathara dawra thingpui kan inho laite kha ka ngaihtuah let hian a lo va ngaihawm thin tak em!

Kum 2009 a lo inherchhuah chuan, kum thum lai ka telh tawh avangin YMA AW enkawltute zinga awm lo turin zawngin ngenna ka siam avangin ka chawl ta a, mahse kan Section hruiitute lamin YMA AW Agent atan min ruat leh tak tho avangin ka awm leh ta tho a. Circulation Manager hna ka chelh lai ang tho, mahse buai dan

erawh tlemin a ziaawm deuh. Kumtir lamah Pathara'n, "Keiman ka lo dah tawh mai a nge," a ti a. Tlai khat chu 6:00pm-ah YMA AW lam turin ka han kal a, Loisbet-ah ka kal hmasa a, "an la dah lo" an lo ti mai chuh!! Ka thin a rim khawp mai. Chuan 7:00pm-ah chuan an lo dah ve ta a. Tun thleng pawh hian Press-a thawkte chuan sawi chhuah chang an la nei zauh zauh thin.

Kum 2010 a lo inherchhuah chuan Editor pawh inthlak chhoin, Editor chanvo ropui tak chu Pu Lalramliana (Tete-a) kutah nghah a ni a. Hemi kum hian kumtir lamah ruat ka ni lova, Circulation Manager pakhat veng dangah a pem avangin kum laklawhah ruat ka ni leh ta a. Hemi kum hian Editor In-ah YMA AW hi kan buatsaih thin a, a thlengtu kan Editor ten min thleng hneh bawk a, a nuam thei hle. A neitunu Pi Nute-i inpekna mawlh kha a ropui ka tiin ka fak ning thei thlawt lo a ni. Hemi kum hi mimal ina kan chhut hnuhnung ber ni tain ka hria.

Kum 2011 a lo inherchhuah chuan Pa Dinga, Pi Dingpuii pasal ngeiin min ho ta a. Branch President makpa a ni bawk nen, mimal ina tih reng aichuan tiin, kum laklawh atang khan YMA Buk lamah kan insuan ta a. Hemi kum hian kan Joint Editor RK Malsawmkima chuan a nakruh bo hmuin, sa bel a chhuang khu teuh mai a, kan puar tlang hle. Pi Aro-i thingpui lum tui tak kan in thei ta lo erawh chhawla hal duh deuh. Tin, kum 2010 leh 2012 chhung hian kan chhutna thin Loisbet atanga insawnin Pu MCH-a press (Mocha Art Works), Vaivakawn lamah kan chhuttir thung a ni.

Kum 2012-ah chuan Pu Nanga hovin YMA AW chu tluang takin kan kal chho leh a, ani hi a felin ama'n a zir bawk a, a nuam thei hle a ni. YMA AW enkawltute zinga ka awm tawh chinah chuan nuam ka tih ber tum a ni hial awm e. Tin, mahni chanvo theuh kan enkawl hneh tlang hle a, a nuam thei hle.

Phek 3-na	Section Report/ Vengchhung/ etc.	23 <sup>rd</sup> June 2013
<b>Chawngbawla Section</b>		
<p>□ Ni 15.6.2013 (Inrinni) khan nilengin Chawngbawla Run tihzauh hnatlang neih a ni a, member thahnem tak an thawk chhuak. Branch President-in nilenga hnatlangte a ho bakah a ban tur thir tha tak a pe a, an lawm hle. Tin, Pi Rintluangi (RTS) chuan chuan hnatlang ṭanpui nan ₹ 500 a pe a, JOJO Restaurant neitu Pi Nguri'n thingpui tui tak a siamsak bawk a, an chungah an lawm hle.</p> <p>□ Kawipuia zunin siamthat hna thawh mek a ni a, PHE lamin pipe sown ngai a sawnsak avangin Dept chungah an lawm hle.</p> <p>□ Silver Jubilee thawhlawm khawn mek a ni a, la khawn zo chuan a rang lama khawn zo turin an innge.</p> <p>□ House No. leh Name Plate nei lo te tan siam zawh tawh a ni a, hruaitute'n an rawn tar thuai ang.</p>	<p>□ Mahni In leh avel fai taka enkawl turin chhungtin te an innge.</p> <p>□ Sum tuak nana Leaders' Directory siam chu zawrhchhuah thuai tum a ni a, member- te hnatlang tura lo inring theuh turin an innge.</p> <p>□ Section huamchhunga damlo - Pu R Lalhmingiana leh Pi Lalh mangaihi te chu an ṭhatchhuah leh thuai an beisei.</p> <p>□ Section chhungah UI leh AR pawn chhuak hmuh tur ala awm a, a vulhtu te'n khuahkhirh turin an inhriattir.</p>	<p>Hnatlang ṭanpuina petute:</p> <ol style="list-style-type: none"> <li>1) Pi Laldingpuii - ₹ 200</li> <li>2) Pu C Lalthazuala - ₹ 100</li> <li>3) Pi Lianzothangi - ₹ 100</li> <li>4) Pu CL Thianghlima - ₹ 500</li> <li>5) Pi R Lalbiakdiki - ₹ 200</li> <li>6) RC Restaurant - ₹ 100</li> </ol> <p>Heng bakah hian hruaitute hnen aṭangin sum leh pai engemaw zat an dawng bawk.</p> <p>□ Footpath siam mek chu chak taka thawh chhunzawm a ni a, thla thar tir lamah chuan a slab chhun hman tum a ni.</p> <p>□ Ni 24.6.2013 (Thawhṭan) zingkar hian Zun In siamin hruaitu hnatlang koh a ni a, tunkar chhung hian zun in siam chu zawh hman an inbeisei.</p> <p>□ Section census buaipui mek chu reilote ah famkim taka zawh theih ngei an tum.</p> <p>□ Kawngpui dungah ni hnih leh zan khat bak insakna bungrua dah lo turin an inhriattir.</p> <p>□ UPC Biak In bul NO PARKING Area-a motor la dahlui ṭhinte chu dah tawh lo turin an hriattir.</p> <p>□ An member Pu John Lalduhawma chuan fanu thar duhawm tak a ni a, an lawmpui hle.</p> <p>□ An section chhunga damlote an dam leh thuai an duhsak:</p> <ol style="list-style-type: none"> <li>1) Pi Thanthuami w/o Pu Ska</li> <li>2) Pu Ngulliana</li> <li>3) Pu Remsangpui</li> <li>4) Pi Lalrifeli (Bial 1-na)</li> </ol> <p>□ An hruaitu Pu C Vanlalsanga zin chu dam taka a lo haw leh thuai an duhsak.</p> <p>□ YMA Day hnatlan ni aṭang khan YMA bawngtuthlawh chu a awmna chin hriat a ni lova, a hria emaw lo hawn palh emaw chuan section hruaitute hnenah hriattir tur a ni e.</p> <hr/> <p><i>Branch News chhunzawmna.....</i></p> <p>● Executive member, Pu Thanseia Ban na chu a dam leh thuai an duhsak.</p> <p>● Ni 22.6.2013 (Inrinni) zing khan ui leh ar vaiin Executive member-te an hnatlang a, ar 3 leh ui 3 man a ni a, a neitute pawisa chawitir an ni.</p> <p>● Ni 14.6.2013 zana YMA Day lawmna hun leh a tuk ni 15 a YMA chhang pual programme atana sound system ṭha tak mai a thlawna hmantirtu Tv B Lalsawmzuala chungah Branch chuan lawmthu a sawi.</p>
<b>Khuangchera Section</b>		
<p>□ YMA Day zingkar faina hnatlang neihā Member thawk chhuak zawng zawng chungah lawmthu an sawi. Bawlhlawh paisak ṭhantu Pu Lalrammawia chungah lawmthu an sawi tak meuh meuh.</p> <p>□ Silver Jubilee Fund Member tinah ₹ 20 khawn mek zel a ni a. Member-ten lo ngaipawimawh turin an innge.</p> <p>□ Section chhungah UI leh AR pawn chhuak a la tam hle a, man a tawh hmain a vulhtu ten khuahkhirh turin an inhriattir.</p> <p>□ YMA AW man khawn zawh thawkhat a ni, a la pe lo chhungku a ten ngai pawimawh a, a ranglam pe thuai turin an inhriattir.</p> <p>□ YMA chhang tana YMA Day lawmna hun buatsaihah Section aiawh item neite leh kal zawng zawngte chungah lawmthu an sawi. Item an neih theihna tura tul anga buaipuitu YMA chhang Conductor Tv Lalrinhluna chungah an lawm hle.</p> <p>□ Chanmari West Sporting Club-ten MPL khel thei tura an tling ta chu an lawmpui hle.</p>	<p>□ Y.M.A DAY lawmna huna Lengkhawm zai intihsiaiknaa Pathumna an ni chu an lawm hle.</p> <p>□ Ni 20.6.13 (Ninga)zan khan hruaituten section huam chhungah UI VAI hnatlang an nei a, hemi pah hian Bawlhlawh bawm tar hnatlang an nei bawk</p> <p>□ Bawlhlawh bawm an tar thar hi a bula miten lo enkawl uluk tur leh a bo mai loh nana lo vil uluk turin an inhriattir nghal bawk</p> <p>□ Section huamchhunga UI leh Ar vulh te khuahkhir ṭha turin an inhriattir.</p> <p>□ Silver Jubilee lawmna tura CHHUNGTIN ten a kan thawh ve tur inhriattirna chu sem tan a ni tawh a, July thla aṭanga khawn tur a ni a, chhungtinte an inhriattir nawn leh a ni.</p> <p>□ Chhiatni Fund leh Y.M.A Aw (copy 21) man la pe fello ten ngaipawimawh turin an in hriattir nawn leh a ni.</p> <p>□ Section huamchhunga damlo mahni in lam a awm leh damdawi in lama awmte an dam leh thuai an duhsak hle.</p> <p>□ CWBYMA Silver Jubilee lawmnana member tina ₹ 20 khawn fel tawh ten Section Fin.Secy hnenah a rang lama thehlut turin an inhriattir</p> <p>□ An hruaitu Pu H Zohmangaiha zin chu dam taka a lo haw leh thuai an duhsak hle.</p>	<hr/> <p><b>Taitesena Section</b></p> <p>□ Y.M.A DAY lawmna huna Lengkhawm zai intihsiaiknaa Pathumna an ni chu an lawm hle.</p> <p>□ Ni 20.6.13 (Ninga)zan khan hruaituten section huam chhungah UI VAI hnatlang an nei a, hemi pah hian Bawlhlawh bawm tar hnatlang an nei bawk</p> <p>□ Bawlhlawh bawm an tar thar hi a bula miten lo enkawl uluk tur leh a bo mai loh nana lo vil uluk turin an inhriattir nghal bawk</p> <p>□ Section huamchhunga UI leh Ar vulh te khuahkhir ṭha turin an inhriattir.</p> <p>□ Silver Jubilee lawmna tura CHHUNGTIN ten a kan thawh ve tur inhriattirna chu sem tan a ni tawh a, July thla aṭanga khawn tur a ni a, chhungtinte an inhriattir nawn leh a ni.</p> <p>□ Chhiatni Fund leh Y.M.A Aw (copy 21) man la pe fello ten ngaipawimawh turin an in hriattir nawn leh a ni.</p> <p>□ Section huamchhunga damlo mahni in lam a awm leh damdawi in lama awmte an dam leh thuai an duhsak hle.</p> <p>□ CWBYMA Silver Jubilee lawmnana member tina ₹ 20 khawn fel tawh ten Section Fin.Secy hnenah a rang lama thehlut turin an inhriattir</p> <p>□ An hruaitu Pu H Zohmangaiha zin chu dam taka a lo haw leh thuai an duhsak hle.</p> <hr/> <p><b>Vanapa Section</b></p> <p>□ Ni 15.6.13 (Inrinni) khan nilengin Faina Hnatlang an nei a, tlai lamah hnatlangte'n Usa hmehin YMA DAY Ruai an kilho nghal.</p> <p>□ Hnatlang ṭanpuina petute chungah lawmthu an sawi.</p>
<b>Neuva Section</b>		
<p>□ YMA Day zingkar faina hnatlang neihā Member thawk chhuak zawng zawng chungah lawmthu an sawi. Zuang Tuikhur chhakah Thing phun nghal a ni bawk.</p>		<p>YMA AW hi vengchhung chanchin thar hriatna hnar pawimawh tak a ni.</p>

**MHIP**

- MHIP DAY (July Ni 6) hmang turin inbuatsaihna kalpui mek a ni a, Bialtu MLA-in hmanpui theih a tum avangin an lawm hle.
- An Land Lease No 289 of 2004, a awmna chin an hriat loh chu Revenue Dept in a thar an lo siamsak a, an lawm hle.
- Ni 21.6.2013 (Zirtawp) khan MHIP building leh a chheh vel tifaiin Training Centre-a zirlaite leh Instructress-te'n nileng hnatiang an nei a. Hemi ni hian In charge Pi PC Chuaudigiani leh Pi Vanlalmawii te'n an telpui thei a, an lawm hle.
- Naupuakpuan tlem tah zawk a ni a, In charge Pi Vanlalmawii hnen aṭangin ₹ 250-a lei theih a ni e.

**ZOFA**

An Fin. Secretary Pu Zohmingliana chuan Art & Culture Dept-ah Instructor hna a hmu thar a, an lawmpui hle.

- Volleyball Sub-Committee**
- July aṭangin 1st Div. Tournament khelh tur a ni a, Indoor Stadium-ah practise thin a ni ang. Hruaitute'n player-te practise ṭawiawm turin an insawm. 2nd Div player-te pawh tha taka practise thin turin an hriattir.
- Season hmasa lama 2nd Div team tha tak lo kaihruai a, a ṭul anga lo buaipui ṭhantu Pu Laltlanmuana te nupa chungah lawmthu an sawi.
- An Secretary Tv R Lalfakzuala pu K Laremsanga, Durtlang Damdawi ina awm mek chu dam taka a lo chhuah thuai an duhsak hla.

**Tih Dikna**

Karhmasaa thisen petute tana bawngsa 2 kg petu, Pi Seni Phunchawng tih kha Khuangchera Section tihzawktur

- 1) Mangchin̄huama te chhung Pu Lalrinthanga (L) in luah Vanapa Sect. aṭangin Bawngkawnah.
- 2) C Lalremsama te chhung Pi Sanghnuni in luah Vanapa Sect. aṭangin Chanmari ah.
- 3) Vanlalzawni te chhung Pi Zidingi in luah Taitesena Sect. aṭangin Ramhlun South-ah.

Pu Lalhranga te chhung member 11, Tuikual North aṭangin anmahni in Khuangchera Sect. Pu PC Thangkhuma (L) kawmthlangah.

**Lawmthu Sawina**

Anganwadi Centre No-III chhuat Cement Plaster ngai zawng zawng mahni sum leh pai senga siamsaktu Pu T Bualzika te chhungkaw chungah Anganwadi Centre No-III-a thawktute chuan lawmthu an sawi. Hetiang mi in phal veng chhunga an awm hi lawmawm an ti hle. Hei bakah hian naupangte tan chetsual palh theihna tur chu tlakdal siamin an vensak a, an lawm hle bawk.

Tin, a ṭul anga hman atan Pu F Rosiamliana chuan ₹ 500 a pe a, naupang nu leh pate hnen aṭangin ṭanpuina sum leh pai an dawng bawk a, an lawm hle.

Mizoram Civil Pensioner Association Chanmari West-te chuan S.B.I hotute hnena kan veng chhunga ATM dah tura an longenna chu tihhawhlin a ni dawn niin a lang. Ruahman dan chuan ATM hi Pu Vanlahnema in hnuai (Kawipui) ah dah tum a ni a, hetianga veng mipuite tana ṭangkai tur leh veng changlunna ni bawk, Pensioner Association-in an lo ngahtuah leh a ṭul anga hma an la hi veng mipuite tan chuan a lawmawm takzet a ni. Tin, S.B.I hñathawktute duhsakna pawh hi a lawmawm hle a ni.

**CHANGKÄNG ... DANGDAI**

... TUNLAI ... THALAI ...


**ZIRSANGKIMA ramada 19**

(A collection of Humour, Short Stories & Novelette)

a lo chhuak ta...

₹ 120/- chauh

ZIRSANGKIMA

**BADMINTON**

□ Ni 21.6.2013 (Zirtawp) zan khan Pu Lalnunthianga inah committee an nei a, thu pawimawh tak tak an rel.

□ Thenzawla Mizoram Open Badminton Championship neih turah Club hminga chhuah tum a ni.

□ Naupang tan bik Thawhtan, Nilai leh Zirtawp zingkarahte dar 6:30 thleng Court pakhatah khelh theih a ni.

**INDUSTRY HNUAIA NLUP LATE TAN**

Industry Department hnuia NLUP la te chuan tunkar chhung ngeiin a hnuia hming ziak hnenah hian ₹ 100-in Name Plate khul tur a ni. \_\_\_\_\_<sup>nd</sup> Installment an la thei loh ang.

Lalremruata, K-Section

**PUANTHUI KHAWL SIAM THIAM**

Puanthui khawl puan engpawh \hui thei turin ka siam thei reng e. Gas Stove pawh ka la siam thei reng e.

Puan\hui khawl, chhuak hmasa puan pawh nalh tak taka \hui thei tlawmti a lei tur pawh ka nei e. Han thlang ve rawh le.

Khawl Gas Stove Siam mamawh chuan han phone la ka rawn pan mai dawn che nia.

Save rawh le LH Chawngthu

₹ 9612322639.

(3-1)

□ Production Manager Pu Hnuna, Branch Secy. Tv Zaitea leh Tv Fakte'n min ṭawiawm a, kan thla a muang hle.

□ YMA AW Editorial Board tana Arsa min petu Pu Hriata Colney chungah leh ar sawhchiar min siamsaktu Pi Zaii (Pu Nanga nupui) te chungah kan lawm hle.

□ Anganwadi Centre No-III hnen aṭangin thingpui hmeh lei nan ₹ 50 kan dawng a, kan lawm hle.

Z

Hmun dang aia tlawmin Plates, Cups. etc aman tlawm atanga atober thleng in kan zuar e.

Ph.- 8974361240 (2-1)